



Foto: Bjørn-Kåre Iversen, helsefak. uit.no

MET TULEMMA NYT SINUN KUNTHAAN

Sie tulet muutaman viikon sisällä saamhaan preivin Tromssan universiteetiltä, jossa sinua pyyethään matkhaan tervheystutkimukseen. Tutkimustulosten avulla saatethaan jälkhiin vahvistaa ihmisten tervheyttä ja hyvinvointipalveluita pohjaisessa.

MINKÄ TÄHEN KYSYMMÄ SULTA

Kaikki sinun kunnan 40-79 vuotihaat saavat tämän pyynnön. Jokainen on yhtä tärkeä, olet sie sitte nuori taikka vanha, mies taikka nainen, terve taikka sairas. Se on tärkeä että mahdollisemman moni on matkassa, jotta saamma hyvät tutkimustulokset.

TÄMÄN MET TUTKIMMA

Pituus ja paino
Vyötärön ja lonkan ympärysmitta
Verenpaine ja pulssi
Veripruuvi

Met tahomma kans että sie vastaat kysymyspaperhiin.

TIETOA TULOXSISTA

Jos sie haluat, niin sie saat jo tutkimuksessa tietää oman pituuen, painon, vyötärön ja lonkan ympärysmitan, verenpainheen, pulssin, veriprosentin ja pitkänajan verensokkerin.

SINUN TURVALLISUUS

Sie päätät itte josko haluat olla matkassa tutkimuksessa.

Met piämmä huolen sinun turvallisuuesta. Tervheystutkimuslaki määrää sen kunka tervheystietoja taikka pruuvimateriaali käsitelhään. Kaikki tievot ja pruuvit anonymiseerathan, elikkä niihin ei tule nimeä eikä syntymänumeroa eikä muuta tietoa mistä sinua voi tuntea.

Datatisynet ja REK Nord - Regional komité for medisinsk og helsefaglig forskningsetikk, ovat hyväksyneet tämän tutkimuksen.



Foto: Bjørn Erik Rygg Lunde/ Nordlandssykehuset

MET HALUAMMA LISÄÄ TIETOA NÄISTÄ:

Ravinto
Sokkeritauti
Syän- ja verisuonitautit
Ympäristömyrkyt
Hammasterveys
Uni

MATKALAHJAKORTTI

Kaikki jotka on matkassa tutkimuksessa on myös matkassa arvan veossa. Voittona on kaksi 10000 kruunun matkalahjakorttia. Lisäksi arvotaan vielä kaksi matkalahjakorttia siinä kunnassa jossa on ollu eniten ihmisiä matkassa tutkimuksessa. Mithään muita kuluja ei tutkimuksessa matkassa oleville makseta.



MET TULEMMA NYT SINUN KUNTHAAN

Sie saat muutaman viikon sisällä preivin, jossa on tutkimuksen paikka ja aika. Osallistumalla sieki olet matkassa mielenkiintoisessa ja yhteiskunnalle tärkeässä tutkimuksessa, jossa tutkithaan tervheyttä ja elämäntyyliä pohjaisessa.

JOS SULLA ON KYSYMYKSIÄ,
niin ota yhteyttä meihin.
Soita taikka lähätä e-postia.


Saamelaisen tervheystutkimuksen sentteri
Yhteiskunnallisen lääkitietheen institutti,
Tromssan universiteetti,
9037 TROMSSA

<http://site.uit.no/helseoglivsstil/>
E-post: saminor@ism.uit.no
Telefon: 404 90 467



TROMSSAN UNIVERSITEETTI UIT

TERVHEYSTIETHEELINEN FAKULTEETTI



Tervheys- ja
elämäntapatutkimus